



# SLUŽBENE NOVINE

## KANTONA SARAJEVO

Godina XXXI - Broj 20

Četvrtak, 21. 5. 2026. godine  
SARAJEVO

ISSN 1512-7052

### KANTON SARAJEVO

#### VLADA KANTONA SARAJEVO

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 4., 7. i 8. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21, 13/22, 21/24, 10/25 i 6/26), Vlada Kantona Sarajevo, na 127. sjednici, održanoj 07.05.2026. godine, donijela je

#### ODLUKU

#### O USVAJANJU PROGRAMA UTROŠKA TRANSFERA NEPROFITNIM ORGANIZACIJAMA I POJEDINCIMA UTVRĐENIH BUDŽETOM KANTONA SARAJEVO, RAZDJEL MINISTARSTVO ZA BORAČKA PITANJA ZA 2026. GODINU

##### Član 1.

- (1) Usvaja se Program utroška sredstava s kriterijima raspodjele Transfera za finansiranje i sufinansiranje aktivnosti programa i projekata neprofitnih organizacija, i to za projekte:
  - a) Projekat "Opsada i odbrana Sarajevo 92-95" (Odluka Skupštine Kantona Sarajevo broj 01-05-12123/06 od 23.03.2006. godine - nekapitalni podprojekti) - obilježavanje značajnih datuma kroz adekvatne manifestacije;
  - b) Projekat "Opsada i odbrana Sarajeva 92-95" (Odluka Skupštine Kantona Sarajevo broj 01-05-12123/06 od 23.03.2006. godine) - pisana riječ i naučnoistraživačka djelatnost;
  - c) Realizacija projekata od interesa za boračku populaciju u saradnji sa neprofitnim organizacijama – Sufinansiranje pravne pomoći u korist branilaca BiH;
  - d) Realizacija projekata od interesa za boračku populaciju u saradnji sa neprofitnim organizacijama - finansiranje/sufinansiranje programa i projekata od interesa za boračku populaciju.

- (2) Prioriteti za finansiranje i sufinansiranje projekata iz nadležnosti Ministarstva za boračka pitanja Kantona Sarajevo utvrđeni su u postupku izrade i donošenja Budžeta Kantona Sarajevo, razdjel Ministarstvo za boračka pitanja, a na osnovu procjene potreba i mjera za ostvarivanje ciljeva i obaveza iz nadležnosti Ministarstva za boračka pitanja Kantona Sarajevo.
- (3) Raspodjela sredstava tekućih transfera utvrđenih ovom odlukom vrši se u skladu sa općim i posebnim kriterijima koji su utvrđeni Uredbom o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21, 13/22, 21/24 i 10/25) i članom 7. Pravilnika o dodjeli transfera neprofitnim organizacijama i pojedincima ("Službene novine Kantona Sarajevo", broj 1/22 i 13/22).
- (4) Odlukom o proglašenju boračkih udruženja, organizacija i saveza od posebnog interesa za Kanton Sarajevo ("Službene novine Kantona Sarajevo", broj 2/23) proglašena su udruženja, organizacije i savezi od posebnog interesa za Kanton Sarajevo članice Koordinacionog odbora boračkih organizacija Kantona Sarajevo i istom je tretirano i njihovo finansiranje, te isto se ne vrši prema Uredbi o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21, 13/22, 21/24 i 10/25), ali se sredstva za finansiranje istih pominju u okviru ovog programa utroška.

##### Član 2.

Sredstva za transfere po ovom Programu utroška su planirana na agregiranim budžetskim pozicijama 614300 DAN029 "Tekući transferi za očuvanje tekovina OOR 92-95 i NOR 41-45" i 614300 DAN030 "Realizacija projekata od interesa za boračku populaciju u saradnji sa neprofitnim organizacijama" i raščlanjena su Programom utroška sredstava tekućih transfera i kapitalnih transfera utvrđenih Budžetom Kantona Sarajevo za 2026. godinu na razdjelu 1301 Ministarstva za boračka pitanja Kantona Sarajevo

broj 02-04-6172-4/26 od 26.02.2026. godine ("Službene novine Kantona Sarajevo", broj 10/26).

Član 3.

Raspored sredstava tekućih transfera vrši se za programe i projekte kako je regulirano Aneksom I ove odluke, i to:

**Aneks I**

**Program utroška sredstava iz Budžeta putem dodjele transfera za finansiranje i sufinansiranje aktivnosti/programa/projekata neprofitnih organizacija, pojedinaca i drugih pravnih lica iz nadležnosti Ministarstva za boračka pitanja Kantona Sarajevo za 2026. godinu**

<b>Naziv davaoca budžetskih sredstava:</b>	Ministarstvo za boračka pitanja Kantona Sarajevo
<b>Datum izrade Programa utroška sredstava</b>	april 2026. godine
<b>Pravni osnov za dodjelu sredstava transfera</b>	- Budžet Kantona Sarajevo za 2026. godinu ("Službene novine Kantona Sarajevo", broj 52/25), - Zakon o izvršavanju Budžeta Kantona Sarajevo za 2026. godinu. ("Službene novine Kantona Sarajevo", broj 52/25), - Uredba o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21, 13/22, 21/24 i 10/25), - Pravilnik o dodjeli transfera neprofitnim organizacijama i pojedincima Ministarstva za boračka pitanja Kantona Sarajevo ("Službene novine Kantona Sarajevo", broj 1/22 i 13/22), - Odluka o proglašenju boračkih udruženja, organizacija i saveza od posebnog interesa za Kanton Sarajevo ("Službene novine Kantona Sarajevo", broj 2/23), - Odluka o usvajanju projekta "Opsada i odbrana Sarajeva 1992. - 1995. godine" ("Službene novine Kantona Sarajevo", broj 9/06, 15/07 i 35/12), sa Odlukom o utvrđivanju "Kalendara za obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995. godine na području Kantona Sarajevo" ("Službene novine Kantona Sarajevo", broj 9/08), Zaključkom Vlade Kantona Sarajevo broj 02-05-32129-8/08 od 18.12.2008. godine te Odlukom o utvrđivanju "Kalendara za obilježavanje značajnih događaja, datuma i ličnosti iz perioda narodno-oslobodilačkog rata 1941. - 1945. godine na području Kantona Sarajevo" ("Službene novine Kantona Sarajevo", broj 14/09), - Zaključak Skupštine Kantona Sarajevo broj 01-05-2771/13 od 13.11.2013. godine, - Zakon o dopunskim pravima boraca -branitelja Bosne i Hercegovine ("Službene novine Kantona Sarajevo", broj 31/22, 8/24 i 13/25).
<b>Ukupan iznos sredstava utvrđenih Programom utroška sredstava po svim izvorima finansiranja</b>	Na odgovarajućim budžetskim pozicijama Ministarstva za boračka pitanja Kantona Sarajevo ukupno je planirano 1.635.000 KM za podršku aktivnostima nevladinog sektora, koja se odobravaju sa i bez javnih poziva. U ova sredstva su uključena i sredstva za finansiranje djelatnosti udruženja, organizacije i savezi od posebnog interesa za Kanton Sarajevo članice Koordinacionog odbora boračkih organizacija Kantona Sarajevo na osnovu Odluke o proglašenju boračkih udruženja, organizacija i saveza od posebnog interesa za Kanton Sarajevo ("Službene novine Kantona Sarajevo", broj 2/23). U okviru sredstava za podršku nevladinom sektoru se planiraju i sredstva za plaćanje troškova personalnog njegovatelja za ratne vojnike invalide - kvadruplegičare, a koji se angažuje putem i na prijedlog Udruženja Ratnih vojnih invalida - paraplegičara Kantona Sarajevo direktno na osnovu Zakona o dopunskim pravima boraca-branitelja Bosne i Hercegovine (član 63. stav (4)).

	Ministarstvo za boračka pitanja Kantona Sarajevo zadržava pravo da navedeni iznos umanji ili uveća u zavisnosti od broja zahtjeva i obima aktivnosti, te eventualnog potrebnog usmjerenja sredstava u duge namjene, uz saglasnost Vlade Kantona Sarajevo, odnosno po predviđenoj proceduri
<b>Procijenjene grupe korisnika sredstava</b>	Korisnici sredstava po ovom Programu su: kantonalna boračka udruženja i savezi (osim članova Koordinacionog odbora boračkih organizacija Kantona Sarajevo) i druga boračka udruženja, nevladine organizacije i neprofitne organizacije, fondacije, zaklade, instituti, sportska udruženja i klubovi, organizatori sportskih i drugih manifestacija sa određenim društveno korisnim ciljem i udruženja koja njeguju tekovine odbrambeno-oslobodilačkog rata 1992.-1995. godine, te narodnooslobodilačkog rata 1941.-1945. godine koji za sredstva iz Budžeta apliciraju i kojima su odobrena sredstva od strane Ministarstva u svrhu finansiranja/sufinansiranja projekata koji su od interesa za građane Kantona Sarajevo ili doprinose razvoju i afirmaciji Kantona i provode se na području Kantona, a u izuzetnim slučajevima koji su od interesa za građane Kantona, a provode se izvan područja Kantona.
<b>Opći cilj programa utroška sredstava sa jasnom vezom sa relevantnim strategijama/li prioriteta davaoca sredstava, odnosno Vlade</b>	Uskladenost prioriteta za dodjelu sredstava sa planskim dokumentima na način da se obezbijedi pristup i raspolaganje budžetskim sredstvima na principu zakonitog, namjenskog, transparentnog i efikasnog finansiranja /sufinansiranja pojedinaca, neprofitnih organizacija i drugih pravnih lica, a sve u cilju poboljšavanju društveno-ekonomskog statusa pripadnika boračke populacije i očuvanje tekovina odbrambeno-oslobodilačkog rata 1992.-1995. i 1941.-1945. godine - kulture sjećanja, čime se doprinosi i razvoju i afirmaciji Kantona Sarajevo.
<b>Specifični cilj Programa utroška sredstava koji sadrži mjerljive očekivane rezultate u toku i nakon provođenja finansiranja sredstvima predviđenim u programu utroška sredstava</b>	a) finansiranje projekata, programa i aktivnosti koje su od interesa za Kanton Sarajevo ili doprinose razvoju i afirmaciji Kantona Sarajevo putem javnih poziva, a koji se odnose na očuvanje tekovina i njegovanje tradicije odbrambeno-oslobodilačkog rata 1992.-1995. i iz perioda narodnooslobodilačkog rata 1941.-1945. godine na području Kantona Sarajevo, kao resocijalizaciji i integraciji boračke populacije u društvenu sredinu, odnosno poboljšanje njenog društveno-ekonomskog položaja i očuvanje kulture sjećanja. b) finansiranje projekata, programa i aktivnosti neprofitnih organizacija i drugih pravnih lica i pojedinaca bez Javnog poziva za sufinansiranje obilježavanja značajnih događaja, datuma i ličnosti u skladu sa odgovarajućim propisima.
<b>Način utvrđivanja postizanja specifičnog cilja sa izvorima podataka koji će koristiti za utvrđivanje postizanja specifičnog cilja i kako planira doći do tih podataka</b>	Ministarstvo je u obavezi pratiti realizaciju projekata, programa i aktivnosti za koje su odobrena sredstva od strane ovog Ministarstva. Korisnici sredstava su u obavezi Ministarstvu dostaviti izvještaje o realizaciji projekata sa odgovarajućom dokaznom dokumentacijom. Jedan od izvora za utvrđivanje postizanja specifičnog cilja su upravo izvještaji o realizovanim projektima koji sadrže obrazac opisnog (programskog) izvještaja provođenja aktivnosti/programa/projekta sa navedenim podacima o provedenim aktivnostima, postignutim rezultatima, poteškoća u implementaciji programa i projekta i sl. Pored toga, Ministarstvo je dužno provesti terenske posjete kod korisnika sredstava kod korisnika čija je ukupna izloženost riziku utvrđena kao visoka, i iste predstavljaju jedan od izvora utvrđivanja postizanja specifičnog cilja. Također, do informacija se može doći i iz drugih izvora kao što su objavljeni članci u štampi, na internet portalima, statističkim biltenima, te korištenjem drugih internih i eksternih izvora.
<b>Kriteriji za dodjelu sredstava koji uključuju opće i posebne kriterije koji će se koristiti za odlučivanje o dodjeli sredstava koji</b>	Kriteriji za dodjelu sredstava utvrđeni su Uredbom o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21, 13/22, 21/24 i 10/25) i Pravilnikom o dodjeli transfera neprofitnim organizacijama i pojedincima

<b>moraju biti specifični i objektivno mjerljivi</b>	("Službene novine Kantona Sarajevo", broj 1/22 i 13/22). Instrukcijom o podnošenju zahtjeva za finansiranje/sufinansiranje aktivnosti/programa/projekata, za dostavljanje izvještaja i pravdanja sredstava i druga značajna pitanja za udruženja, organizacije i saveze od posebnog interesa za Kanton Sarajevo ("Službene novine Kantona Sarajevo", broj 12/23, 3/24 i 9/24).
<b>Vrsta projekata/aktivnosti koji će biti finansirani Programom utroška sredstava uključujući i vrstu projekata/aktivnosti koja neće biti finansirana</b>	Programom utroška sredstava će biti finansirani ili sufinansirani projekti boračkih udruženja i drugih nevladinih organizacija odnosno pravnih lica sa sjedištem na području Kantona Sarajevo, iz čijeg osnivačkog akta ili rješenja o upisu u odgovarajući registar je vidljivo da je područje djelovanja u skladu sa prioritetima Ministarstva za koja se dodjeljuju sredstva, a koji ispunjavaju uvjete propisane Javnim pozivom. Programom utroška sredstava neće biti finansirani projekti/aktivnosti koji nisu od interesa za pripadnike boračke populacije Kantona Sarajevo i/ili koji ne ispunjavaju uvjete koji su propisani Javnim pozivom.
<b>Način dodjele sredstava odnosno jasno navesti da li će se sredstva dodijeliti javnim pozivom ili bez objave javnog poziva</b>	(1) Uz objavu Javnog poziva Ministarstvo za boračka pitanja Kantona Sarajevo će realizovati sljedeće projekte: a) Projekat "Opsada i odbrana Sarajeva 92-95" (Odluka Skupštine Kantona Sarajevo broj 01-05-12123/06 od 23.03.2006. godine-pisana riječ i naučnoistraživačka djelatnost (okvirna vrijednost 100.000); b) Realizacija projekata od interesa za boračku populaciju u saradnji sa neprofitnim organizacijama - Sufinansiranje pravne pomoći u korist branilaca BiH (okvirna vrijednost 120.000); c) Realizacija projekata od interesa za boračku populaciju u saradnji sa neprofitnim organizacijama - finansiranje/sufinansiranje programa i projekata od interesa za boračku populaciju (okvirna vrijednost 102.000). (2) Ministarstvo bez objave javnog poziva dodjeljuje sredstva: a) neprofitnim organizacijama i drugim pravnim licima za sufinansiranje obilježavanja značajnih događaja, datuma i ličnosti u skladu sa Odlukom o usvajanju projekta "Opsada i odbrana Sarajeva 1992-1995. godine" ("Službene novine Kantona Sarajevo", broj 9/06, 15/07 i 35/12), Odlukom o utvrđivanju "Kalendara za obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995. godine na području Kantona Sarajevo" ("Službene novine Kantona Sarajevo", broj 9/08), Zaključkom Vlade Kantona Sarajevo broj 02-05-32129-8/08 od 18.12.2008. godine, te Odlukom o utvrđivanju "Kalendara za obilježavanje značajnih događaja, datuma i ličnosti iz perioda narodno-oslobodilačkog rata 1941.-1945. godine na području Kantona Sarajevo" ("Službene novine Kantona Sarajevo", broj 14/09). Predmetni projekat se provodi u kontinuitetu u toku cijele godine i u pravilu se rješava na osnovu pojedinačnih zahtjeva putem Odbora za obilježavanje značajnih događaja, datuma i ličnosti koji imenuje ministar za boračka pitanja. Navedenim Zaključkom Vlade Kantona Sarajevo Koordinacionom odboru boračkih organizacija Kantona Sarajevo dato je ovlaštenje da ispred nevladinog sektora bude nosilac aktivnosti obilježavanja većeg broja događaja uz Ministarstvo za boračka pitanja Kantona Sarajevo (okvirna vrijednost 300.000), b) članicama Koordinacionog odbora boračkih organizacija Kantona Sarajevo koje su Odlukom o proglašenju boračkih udruženja, organizacija i saveza od posebnog interesa za Kanton Sarajevo ("Službene novine Kantona Sarajevo", broj 02/23) proglašena su udruženjima, organizacijama i savezima od posebnog interesa za Kanton Sarajevo i istom je tretirano i njihovo finansiranje (okvirna vrijednost 995.000), pri čemu se objavljuje posebno Obavještenje za podnošenje zahtjeva za

	finansiranje/sufinansiranje aktivnosti/programa/projekata udruženja, organizacija i saveza od posebnog interesa za Kanton Sarajevo, c) Udruženju Ratnih vojnih invalida - paraplegičara Kantona Sarajevo za plaćanje troškova personalnog njegovatelja za ratne vojne invalide - kvadruplegicare, a koji se angažuje putem ovog udruženja (okvirna vrijednost 18.000). (3) Ministarstvo za boračka pitanja Kantona Sarajevo zadržava pravo da u slučaju većeg broja zahtjeva osigura dodatna sredstva za pojedine namjene i/ili pozive, kao i da u slučaju potrebe navedene iznose umanji i sredstva preusmjeri u druge namjene, prema važećim procedurama. Također, Ministarstvo za boračka pitanja Kantona Sarajevo zadržava pravo da u slučaju neodobravanja operativnih sredstava ne objavi određeni javni poziv, odnosno da ne donese odluku o odobravanju sredstava po određenom javnom pozivu.
--	---

**Obrazloženje za utvrđene iznose po projektima/aktivnostima:**

Sredstva za realizaciju po ovom Programu utroška su raspoređena Programom utroška sredstava tekućih transfera i kapitalnih transfera utvrđenih Budžetom Kantona Sarajevo za 2026. godinu na razdjelu 1301 Ministarstva za boračka pitanja Kantona Sarajevo broj 02-04-6172-4/26 od 26.02.2026. godine koji je na svojoj 117. sjednici održanoj dana 26.02.2026. godine donijela Vlada Kantona Sarajevo kako slijedi:

**1.**

Ekonom. kod	Subanalitika	Funkcija	OPIS	Visina sredstava
614300	DAN029	082F	Tekući transferi za očuvanje tekovina OOR 92-95 i NOR 41-45	400.000 - izvor 10

Sredstva su raspoređena prema namjeni i korisnicima kako slijedi:

RB	Naziv pozicije	Interni broj	Korisnici	Izvor	Iznos
1.	Projekat "Opsada i odbrana Sarajeva 92-95" (skupštinska Odluka 01-05-12123/06 od 23.03.2006.) - nekapitalni podprojekti	DAN0291	pravna lica koja njeguju tekovine odbrambeno-oslobodilačkog rata	Izvor 10 - budžetska sredstva	300.000
2.	Projekat "Opsada i odbrana Sarajeva 92-95" (skupštinska Odluka 01-05-12123/06 od 23.03.2006.) - pisana riječ i naučno istraživačka djelatnost	DAN0292	pravna i fizička koja njeguju tekovine odbrambeno-oslobodilačkog rata	II -	100.000

**2.**

Ekonom. kod	Subanalitika	Funkcija	OPIS	Visina sredstava
614300	DAN030	107F	Realizacija projekata od interesa za boračku populaciju u saradnji sa neprofitnim organizacijama	1.235.000- izvor 10

Sredstva su raspoređena prema namjeni i korisnicima kako slijedi:

RB	Naziv pozicije	Interni broj	Korisnici	Izvor	Izmos
1.	Sufinansiranje pravne pomoći u korist branilaca BiH	DAN0301	pravna (neprofitna) lica koja njeguju tekovine odbrambeno-oslobodilačkog rata, odnosno koja su registrovana za pružanje pravne i druge pomoći u korist branilaca Bosne i Hercegovine, osumnjičenim i optuženim bivšim pripadnicima Oružanih snaga R BiH u predmetima ratnih zločina do pravosnažnosti presude, te putem istih lica iz boračke populacije	Izvor 10 - budžetska sredstva	120.000
2.	Udruženja građana - boračka udruženja finansiranje/sufinansiranje programa i projekata	DAN0302	pravna (neprofitna) lica koja njeguju tekovine odbrambeno-oslobodilačkog rata, te putem istih lica iz boračke populacije	- II -	1.097.000
3.	Personalna njega za RVI kvadriplegičare	DAN0303	RVI sa dijagnozom kvadriplegija, putem Udruženja ratnih vojnih invalida paraplegičara Kantona Sarajevo	- II -	18.000

**Procjena rizika za realizaciju Programa utroška sredstava:**

Vrsta rizika	Vjerovatnoća	Uticaj	Mjere
Nedovoljna dostupnost informacija potencijalnim korisnicima sredstava	Mala-prihvatljiva	Na rokove i realizaciju procesa	Pojačati načine komunikacije prema korisnicima (mediji i društvene mreže)
Neadekvatno pripremljena dokumentacija potencijalnih korisnika obzirom na činjenicu da su odredbe Uredbe o dodjeli transfera neprofitnim organizacijama i pojedincima iz Budžeta Kantona Sarajevo još uvijek nove u primjeni	Mala-prihvatljiva	Na realizaciju procesa	Obezbjediti blagovremenu saradnju sa aplikantima u smislu davanja uputa i pojašnjenja vezano za dokumentaciju i popunjavanje propisanih obrazaca koje aplikanti trebaju dostaviti kako bi njihovi zahtjevi bili potpuni

**Vrste aktivnosti praćenja koje se planiraju provoditi; Način dodjele sredstava odnosno jasno navesti da li će se sredstva dodijeliti Javnim pozivom ili bez objave Javnog poziva**

Shodno Godišnjem planu objave javnih poziva koji je Ministarstvo za boračka pitanja Kantona Sarajevo u obavezi

objaviti nakon donošenja ovog Programa utroška, Ministarstvo će sredstva podijeliti putem Javnih poziva (3 poziva):

- za dodjelu transfera neprofitnim organizacijama za finansiranje i sufinansiranje aktivnosti/programa/projekata kantonalnih i drugih boračkih udruženja, odnosno udruženja od interesa za boračku populaciju Kantona Sarajevo za 2026. godinu,
- za podršku projektima pisane riječi sa tematikom iz perioda odbrambeno-oslobodilačkog rata 1992-1995. godine,
- za finansiranje/sufinansiranje projekata pružanja pravne i druge pomoći u korist osumnjičenih i optuženih bivših pripadnika Oružanih snaga R BiH u predmetima ratnih zločina do pravosnažnosti presude za 2026. godinu.

Javni poziv se ne provodi za namjene koje su regulisane Odlukom o usvajanju projekta "Opsada i odbrana Sarajevo 1992-1995. godine" ("Službene novine Kantona Sarajevo", broj 9/06, 15/07 i 35/12), Odlukom o utvrđivanju "Kalendara za obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995. godine na području Kantona Sarajevo" ("Službene novine Kantona Sarajevo", broj 9/08), Zaključkom Vlade Kantona Sarajevo broj 02-05-32129-8/08 od 18.12.2008. godine, te Odlukom o utvrđivanju "Kalendara za obilježavanje značajnih događaja, datuma i ličnosti iz perioda narodnooslobodilačkog rata 1941.-1945. godine na području Kantona Sarajevo" ("Službene novine Kantona Sarajevo", broj 14/09). Predmetni projekat se provodi u kontinuitetu u toku cijele godine i u pravilu se rješava na osnovu pojedinačnih zahtjeva putem Odbora za obilježavanje značajnih događaja, datuma i ličnosti koji imenuje ministar za boračka pitanja.

Javni poziv se ne provodi niti za članice Koordinacionog odbora boračkih organizacija Kantona Sarajevo udruženja čije finansiranje je regulisano Odlukom o proglašenju boračkih udruženja, organizacija i saveza od posebnog interesa za Kanton Sarajevo ("Službene novine Kantona Sarajevo", broj 2/23), Instrukcijom o podnošenju zahtjeva za finansiranje/sufinansiranje aktivnosti/programa/projekata, za dostavljanje izvještaja i pravljanja sredstava i druga značajna pitanja za udruženja, organizacije i saveze od posebnog interesa za Kanton Sarajevo ("Službene novine Kantona Sarajevo", broj 12/23, 3/24 i 9/24). Za ova udruženja se objavljuje posebno Obavještenje za podnošenje zahtjeva za finansiranje/sufinansiranje aktivnosti/programa/projekata udruženja, organizacija i saveza od posebnog interesa za Kanton Sarajevo.

Za 2026. godinu je na web stranici Ministarstva za boračka pitanja Kantona Sarajevo (<https://mbp.ks.gov.ba/aktuelno/aktivnosti>) dan 17.02.2026. godine objavljeno Obavještenje za podnošenje zahtjeva za finansiranje/sufinansiranje aktivnosti/programa/projekata udruženja, organizacija i saveza od posebnog interesa za Kanton Sarajevo za 2026. godinu.

Javni poziv se ne provodi niti za obezbjeđenje personalnog njegovatelja za ratne vojne invalide - kvadriplegičare, a koji se angažuju putem i na prijedlog Udruženja Ratnih vojnih invalida - paraplegičara Kantona Sarajevo, na osnovu Zakona o dopunskim pravima boraca-branitelja Bosne i Hercegovine. ("Službene novine Kantona Sarajevo", broj 31/22, 8/24 i 13/25). Za realizaciju ovih sredstava u 2026. godini je potpisan sporazum sa Udruženjem Ratnih vojnih invalida - paraplegičara Kantona Sarajevo i sa Općinom Centar na kojoj živi korisnik personalnog njegovatelja.

Ministarstvo za boračka pitanja Kantona Sarajevo planira u saradnji sa korisnicima sredstava, obaviti praćenje dodijeljenih sredstava u smislu programskog i finansijskog praćenja svih obaveza prema zaključenim ugovorima o dodjeli budžetskih sredstava. Praćenje provođenja aktivnosti/programa i projekata, te namjenskog trošenja sredstava iz budžeta u okviru ugovorenog finansiranja, prije svega obuhvata pregled svih dostavljenih izvještaja (opisnih i finansijskih na propisanim obrascima) korisnika sredstava bez obzira na njihovu visinu i namjenu i obaveze terenske posjete korisnicima sredstava kod korisnika čija je ukupna izloženost riziku utvrđena kao visoka, i sačinjavanje izvještaja po predmetnom osnovu.

Ministarstvo za boračka pitanja Kantona Sarajevo pitanja će voditi evidenciju na osnovu Programa utroška i dodijeljenih sredstava kroz Plan praćenja aktivnosti na propisanom obrascu Uredbom o dodjeli transfera neprofitnim organizacijama i pojedincima iz Budžeta Kantona Sarajevo.

Plan praćenja obuhvata sve potpisane ugovore o dodjeli budžetskih sredstava sa korisnicima sredstava.

#### **Mjere za sprečavanje nepravilnosti i sukoba interesa**

Ministarstvo za boračka pitanja Kantona Sarajevo definiše u internim aktima, a u skladu sa zakonskim propisima, mjere za sprečavanje nepravilnosti i sukoba interesa u svim fazama provođenja i dodjele sredstava.

U slučajevima pojave nepravilnosti i utvrđenog nenamjenskog trošenja budžetskih sredstava, Ministarstvo za boračka pitanja Kantona Sarajevo će aktivirati mehanizme povrata sredstava prema odredbama ugovora o dodjeli sredstava. kao i putem izvještavanja, te uključivanja nadležnih institucija u cilju ukazivanja i sprečavanja štetnih posljedica.

U slučaju utvrđenog sukoba interesa, bilo po izjavi lica uključenih u dodjelu sredstava ili po zaprimljenoj prijavi od strane drugih lica, ministar odlučuje o načinu upravljanja sukobom interesa, odnosno svaki član komisije će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.

#### **Način provođenja procjene uticaja Programa utroška sredstava na žene i muškarce, dječake i djevojčice te na ranjive marginalizirane kategorije**

Programom će se omogućiti rodna ravnopravnost učešća prilikom apliciranja za dodjelu sredstava, vodeći računa na ranjive i marginalizirane kategorije društva pored kvalitete prijedloga projekta i njegovog doprinosa ostvarivanju Programa, što je regulisano Pravilnicima.

#### **Član 4.**

Za realizaciju ove odluke zadužuju se Ministarstvo za boračka pitanja Kantona Sarajevo i Ministarstvo finansija Kantona Sarajevo, svako u okviru svoje nadležnosti.

#### **Član 5.**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-24272-4/26

07. maja 2026. godine  
Sarajevo

Premijer  
**Nihad Uk**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 52. stav (1) tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05),

Vlada Kantona Sarajevo, na 127. sjednici, održanoj 07.05.2026. godine, donijela je

#### **ODLUKU**

#### **O DAVANJU SAGLASNOSTI NA PRAVILNIK O IZMJENI I DOPUNAMA PRAVILNIKA O UNUTRAŠNJOJ ORGANIZACIJI MINISTARSTVA ZA BORAČKA PITANJA KANTONA SARAJEVO**

#### **Član 1.**

Daje se saglasnost na Pravilnik o izmjeni i dopunama Pravilnika o unutrašnjoj organizaciji Ministarstva za boračka pitanja Kantona Sarajevo broj 06-02-14695/26 od 24.04.2026. godine.

#### **Član 2.**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-24272-5/26

07. maja 2026. godine  
Sarajevo

Premijer  
**Nihad Uk**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćen tekst i 37/14 - Ispravka), a u skladu sa članom 9. stav (2) Pravilnika o vrstama vlastitih javnih prihoda u Federaciji Bosne i Hercegovine ("Službene novine Federacije BiH", broj 104/22), Vlada Kantona Sarajevo, na 127. sjednici, održanoj 07.05.2026. godine, donijela je

#### **ODLUKU**

#### **O DAVANJU SAGLASNOSTI NA PRAVILNIK O VLASTITIM JAVNIM PRIHODIMA JAVNE USTANOVE OSNOVNA ŠKOLA "HAMDIJA KREŠEVLJAKOVIĆ"**

#### **Član 1.**

Daje se saglasnost na Pravilnik o vlastitim javnim prihodima Javne ustanove Osnovna škola "Hamdija Kreševljaković" broj 01-1-86/26 od 28.01.2026. godine.

#### **Član 2.**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-24272-6/26

07. maja 2026. godine  
Sarajevo

Premijer  
**Nihad Uk**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćen tekst i 37/14 - Ispravka), a u skladu sa članom 9. stav (2) Pravilnika o vrstama vlastitih javnih prihoda u Federaciji Bosne i Hercegovine ("Službene novine Federacije BiH", broj 104/22), Vlada Kantona Sarajevo, na 127. sjednici, održanoj 07.05.2026. godine, donijela je

#### **ODLUKU**

#### **O DAVANJU SAGLASNOSTI NA PRAVILNIK O IZMJENAMA I DOPUNAMA PRAVILNIKA O VLASTITIM JAVNIM PRIHODIMA JAVNE USTANOVE SREDNJOŠKOLSKI CENTAR "NEDŽAD IBRIŠIMOVIĆ" ILIJAŠ**

#### **Član 1.**

Daje se saglasnost na Pravilnik o izmjenama i dopunama Pravilnika o vlastitim javnim prihodima Javne ustanove